

卷一

地理志

夫升中而望雲物惟荒而度土功古人於所謂俯察者蓋詳而周禮大司徒一職於輿地之圖職司尤重非徒侈天府之藏也於政治風俗有至係焉海邑左山右河川原曠衍蓋平接其南遼陽距其北東走岫鳳西抵營盤區域廣袤舟車輻輳鐵路四達壇廟而風雨時焉往蹟而煙霞古焉居然文明之新會而東省之隩區矣括地之圖可勿紀乎因以志地理

地理

建置

縣境爲禹貢青州北域周屬朝鮮秦屬遼東外徼漢滅朝鮮置四郡本境初屬玄菟後改屬樂浪魏晉皆屬平州南北朝時沒於高勾麗唐克之以封渤海尋復爲契丹所據置海州南海軍金改澄州元省州縣屬遼陽路明置海州衛隸遼東都指揮使司清初改設海城縣隸遼陽府後改隸奉天府歷代建置沿革臚列於後

唐 屬青州北域

考方輿紀要云遼東定遼諸衛亦禹貢青州地也土居少陽其色爲青故曰青州

虞 屬營州北域

考書傳舜分青州東北爲營州以醫巫閭爲鎮山方輿紀要云營州即今廣甯以東地州

海 城 縣 志 卷一 地理 建置

二

當營室之分故曰營州

夏 同唐

考書傳禹復九州省幽并營三州本境復屬青州

商 同唐

盛京通志云夏商仍唐舊制

周 屬朝鮮

考史記武王克商封箕子於朝鮮即今遼東南部及朝鮮平壤一帶周時遼水以西屬幽州遼水以東南部屬朝鮮北部屬肅慎氏考晉書肅慎氏在不咸山北廣袤數千里盛京通志云不咸山即長白山爲今甯古塔境其邊境南至鐵嶺瀋陽而止遼陽以南皆屬朝

鮮

秦 屬遼東郡

考史記秦伐燕燕王喜走保遼東（遼東之名始此）始皇既滅燕遣蒙恬擊走東胡以其地爲遼東遼西二郡以遼水爲界本境屬遼東郡

漢 屬玄菟郡後改屬樂浪郡

考漢書漢初屬燕王盧綰後綰亡入匈奴地爲衛滿所略滿自王朝鮮至孫右渠叛漢武帝遣楊僕荀彘討滅之置眞番臨屯樂浪玄菟四郡本境屬玄菟昭帝併爲樂浪玄菟二郡本境改屬樂浪及東漢置屬國都尉以封沃沮漢末公孫度據之分遼東西爲遼西中遼二郡本境屬中遼郡

三國魏 屬平州

考三國志魏遣司馬懿滅公孫淵置東夷校尉分遼東昌黎玄菟帶方樂浪五郡置平州

海 城 縣 志 卷一 地理 建置

三

後合於幽州

晉 屬平州後沒於高句麗

考晉書晉以慕容廆爲平州刺史永嘉之亂地遂爲廆所據（是爲前燕）後入北魏尋沒於高句麗

南北朝 屬高句麗

考晉書高句麗略有遼東百濟略有遼西平州改爲遼東國歷魏齊周隋四代未入中國版圖

隋 屬高句麗

考北史遼西置營州統柳成一縣遼東仍屬高句麗

唐 屬安東都護府後屬渤海國

考唐書太宗伐高麗置蓋遼二州縣城（曰沙卑城）屬蓋州高宗平高麗置都護府九州四十二縣百又置安東都護府以統之睿宗時封渤海部長大祚榮為渤海國王（渤海即粟末靺鞨）以縣境為南京南海府統沃晴椒三州六縣

遼 置海州南海軍

考遼史遼滅渤海置海州南海軍統臨溟一縣耀嬪二州隸東京聖宗時改置海州以臨溟縣為州治

金 置澄州南海軍

考金史天德三年改為澄州南海軍隸東京統臨溟析木二縣州治臨溟

元 屬遼陽路

考元史元省州縣設遼陽等處行中書省本境屬遼陽路

海 城 縣 志 卷一 地理 建置

四

明 置海州衛屬遼東都指揮使司

考明史太祖以故海州臨溟縣地置海州衛隸遼東都指揮使司

清 置海城縣屬遼陽府尋屬奉天府

考盛京通志清順治元年春裁諸衛十年以遼陽為府置遼陽海城二縣縣境屬遼陽府十四年改遼陽為州設奉天府於瀋陽縣境屬奉天府

歷代建置沿革表

漢	三國魏	晉	後魏	齊周	隋	唐	遼	金	元	明	清
元菟郡後改屬樂浪都尉東漢置都尉以封沃沮	屬平州地	高勾麗地	高勾麗地	高勾麗地	高勾麗地	南海府李勣平高麗置蓋州入渤海為南京南海府統沃晴椒三州六縣	海州南海軍屬東京道臨溟縣析木縣	澄州南海軍屬臨溟縣析木縣	省入遼陽路	海州衛	海城縣

疆域

縣治清初疆域東至牛心山九十里西至三岔河六十里南至耀州六十里北至鞍山驛六十里東南至白土嶺六十里西南至大孤山八十里東北至龍降洲（即龍昌洲）八十里西北至接官堡六十五里嗣後縣之西境又復開拓西南至營口一百二十里西至田莊台西二界溝一百五十里均至海岸爲界及光緒年間營口盤山遼中等縣先後設治縣境西部復劃隸隣封其餘界址仍舊縱橫百里猶大邑也縣治居縣境適中之地北至奉天省城二百四十里現今縣治疆域東至雲峯嶺九十里遼陽鳳城岫巖三縣接界西至西桃園一百里盤山縣接界南至耀州六十里蓋平縣接界北至鞍山驛六十里遼陽縣接界東南至小孤山七十里岫巖縣接界西南至滾子泡六十里營口縣接界東北至大台溝七十里遼陽縣接界西北至大高麗房九十里遼中縣接界東西橫距一百九十里南北縱距一百二十里周圍沿邊綫曲折七百八十里有奇統計面積一萬七千二百方里

海城縣

志

卷一 地理 疆域

五

形勢

縣境東部峯巒重疊西部遼水瀦洄襟山帶河天然形勝中部土地平曠沃野百里爲農產最富之區南通蓋復北達遼瀋交通便利商旅雲集至若雲峯嶺扼東西孔道小孤山當南北要衝尤爲戰守所必爭之地附城各山分峙四隅可爲犄角之用城內厝石山孤峰特起俯視城鄉歷歷在目居高臨下形勢佔優勝地位

方位

考盛京通志縣境分野在箕尾之間析木之次今以地球經緯度考之（以北京天文臺爲中經線）東起東經六度四十九分西抵東經五度五十五分南起北緯四十度三十四分北抵北緯四十一度十分東西橫距五十四分南北縱距三十六分縣城居東經六度二十

二分北緯四十度五十二分

氣候

全境氣候無甚差別寒暑進退亦無急劇之變易以華氏表驗之每歲立春後由十四五度至三十四五度春分後由三十五六度至五十四五度立夏後由五十五六度至七十度夏至後由七十一二度至九十度立秋後由七十四五度至五十四五度秋分後由五十三四度至三十一二度立冬後由三十度至十度或七八度不等然炎夏最高溫度不過九十五六度嚴冬最低溫度至冰點下五六度爲止每歲十月降雪水始冰至十一月河冰堅結翌歲二月中雪止河冰皆泮由三月至五月頃覺春暖五月中暑氣盛七月半至九月杪爲秋冷十月至來歲二月爲嚴冬寒氣盛時百五十日春夏秋三季皆不過六七十日夏日多南風來自熱帶故天氣極熱冬日多北風來自北冰洋故天氣極寒東部地高去海較遠晴多雨少西部瀕河地勢窪下暑雨秋霖常患潮濕

晷刻

縣境晝夜時刻冬至日出辰初二刻一分有奇日入申正一刻十三分有奇晝長八小時三刻十二分有奇夜長十五小時零二分有奇夏至日出寅正一刻十三分有奇日入戌初二刻一分有奇晝長十五小時零二分有奇夜長八小時三刻十二分有奇春秋分日出卯正初刻日入酉正初刻晝夜各六小時但地球南北四時不同本境緯度視北京約北偏一度有奇節氣較北京（天文臺所定曆書）恒晚一日地球東西晝夜不同本境經度視北京約東偏六度有奇故晝夜較北京恒早二十五六分鐘（按每晝夜二十四小時每小時六十分統計一千四百四十分以地球三百六十度平均每四分鐘約行一度）

山脈

縣境東南一帶山脈紛歧就其主要者臚舉之附城各山皆屬正東老礦山脈由城東南攔河山起蔓延起伏至城西北歡喜嶺止惟西南甯家山（即魚山）自正南平頂山（即唐望山）來脈至沙河南岸而止除團山冉家山培樓不計外附城小山凡五分列如左

南雙山 城東南三里由攔河山分脈經响堂村北斜迤而西至此忽起雙峯形似鰲頭又名鰲頭山山上有玉皇廟俗稱玉皇山

北雙山 城東北五里自南雙山來脈由城東望城崗蔓延而北至此雙峰對峙狀類蝦形又名蝦山俗稱雙山子山脈至此一伏

厝石山 城內東南隅盤亘半里許由南雙山分脈一名他山文廟及教育公所（舊儒學公署）俱在此山之陽山左碧霞元君廟今改設中路高等小學校山脊保安寺今改設

僧立國民學校山右文昌閣今改建公園山南多怪石林壑幽美風景絕佳山西有潭相傳龍潛其下雖風雨晦冥水中常見月形故龍潭夜月為海城八景之一

歡喜嶺 城西北四里特起一山其形如龜俗呼王八山子雖係孤山實由北雙山來脈迤北有小阜曰冉家山

甯家山 城西南三里由正南平頂山（即唐王山）來脈至沙河南岸止山形如魚一名魚山又名迎駕山俗呼晾甲山又曰甯家山言係明甯中丞杲花園山多古蹟相傳唐太宗征高麗駐蹕於此迤西有小土邱曰團山子形似蟹又名蟹山南北雙山歡喜嶺甯家山環城四隅厝石山居中坐鎮天然形勝甲於遼東

土河流域以北鞍山河流域以南東西橫列諸山為東北山脈皆以摩雲山為祖山計分三支南支西南行蔓延至麻崖山止中支西行曲折至管飯寺西寶石山止北支西北行

迤邐至騰鰲堡東名甲山止凡山三十五列左

摩雲山 城東北六十里由遼界雙塔嶺來脈按東北諸山應以雙塔嶺爲祖山（鞍山河發源處）摩雲山乃其一峯在本境東北爲最高山

廟宇嶺 城東北六十里在雙塔嶺西南

大台溝山 城東北五十五里在台溝村北村南即正東老礦山脈之大溝後山

高嶺 城東北六十里嶺東遼界

豬窩嶺 城東北六十里俗稱諸葛嶺土河發源於此

什司縣山 城東四十里什司縣村北之山村南即老礦山脈之小米寨後山

雁窩山 城東三十五里山南即上英阿

河魚溝山 城東三十里山下即下英阿

海 城 縣 志 卷一 地理 山脈

八

北山城山 城東北三十里山下即山城子村

甕圈山 城東北三十五里山西即前後茨溝

麻崕山 城東北二十里俗稱紅崕崗西即烟台

石頭山 城北十五里盛京通志作柳河山（以上南支之南一支）

三台溝山 城東北四十里由小台溝村南分支山南即草場溝

大團山 城東北四十里在玉白莊屯東北

白家大嶺 城東北三十五里

向陽寨山 城東北三十里山西爲甘泉舖（以上南支之北一支）

鶯不落山 城東北六十里由雙塔嶺北岔溝分支

石場溝山 城東北五十里出碾磨石山外即石牌樓

白石寨山 城東北四十八里白石寨村北

駙馬營山 城東北四十里山巔有廟曰回龍寺山脈到此一伏

管飯寺山 城北四十里小土山由駙馬營山來脈

寶石山 城北四十里在管飯寺西（以上中支）

果子園山 城東北六十里由雙塔嶺北什家房分支

文洞溝山 城東北五十里在果子園西北

活龍寨山 城東北四十五里

小嶺子 城東北四十里

駱駝山 城東北三十七里

鐵石山 城東北三十八里在姚千戶屯東其後山俗名金牛鳳凰山

海 城 縣 志 卷一 地理 山脈

九

雙頂山 城北五十里

湯崗子 城北四十五里山東麓有溫泉水湧如沸山上有碧霞元君廟香火極盛

龍鳳山 城北四十五里

棗峪 城東北六十里

鞍山 城東北六十里鞍山有二東鞍山在遼界西鞍山在縣界山有古剎曰西陽寺廟後

有洞極深邃山多鐵礦中日合辦開採

筆架山 城北六十里

老虎山 城北五十八里由鞍山來脈山下即老虎屯

名甲山 城北五十五里小土山俗呼閔家山在騰鰲堡東（以上北支）

楊柳河流域以北土河流域以南東西橫列諸山爲正東山脈祖山有二（一）雲峯嶺其

脈自岫界唐帽山來入境後由東而西分三支南支由潘堡至老牛寨村南止中支由石頭寨至斜文寨止北支由苗塔寺山北與正東老礦山脈之盤嶺相連（一）老礦山分三大支由東而西南支由盤嶺起至滑石嶺止中支由王官廠起至頭道溝止北支由大溝小米寨等山起至城東攔河山止凡山四十二列左

雲峯嶺 城東南偏九十里山極高峻上下數十里爲赴鳳岫必由孔道日俄之役皆據此爲險要

松樹溝山 城東南偏六十五里其山多石此爲東松樹溝

老牛寨山 城東南偏五十五里山南爲岫界

斜文寨山 城東南偏六十里山南面河

鵝鴿山 城東南偏六十里山上有井及高麗城基

海 城 縣 志 卷一 地理 山脈

十

養豬圈山 城東南偏六十里

蟒洞峪 城東南偏六十里山北有蟒洞三穴盛京通志曰蟒溝山

苗塔寺山 城東南偏五十五里北與老礦山脈之盤嶺相連

老礦山 城東六十八里俗呼老廣山勢極高峻盤亘六十餘里爲城東諸山之祖相傳產金銀銅礦

盤嶺 城東六十里山路共十餘盤上有石門極險要僅容車一軌

道士帽山 城東五十里

雲長嶺 城東五十里一名老爺嶺山產石棉最富

九道嶺 城東五十里俗呼腰嶺子

五鳳山 城東四十五里山有古洞

元寶山 城東四十五里山北即樓房其南爲仙人溝周寬修道處

康家峪 城東四十里產石灰石山前即靈通峪

靈通峪 城東南偏四十五里俗呼臨嶂峪

大同峪 城東南偏四十八里在靈通峪東

東山城山 城東四十里爲附近最高山東有歪桃山西有西山城山三峯鼎峙百里外皆見之山前即靈通峪山後爲勒馬峪

滑石嶺 城東三十五里即勒馬峪山盛京通志作白山

椅子山 城東三十五里即勒馬峪南山

紅嶺子 城東三十八里由滑石嶺西郭家窰向東南折至松樹溝止

羊角峪 城東南偏四十五里俗呼楊家峪山後即梁家隈子

海 城 縣 志 卷一 地理 山脈 十一
西松樹溝 城東南偏四十八里河南即析木城（以上南支）

王官廠山 城東六十里山有金礦並產五色石由此至康家峪大溝二十餘里總名安家

峪溝

雙頂山 城東五十里山下即朱紅峪

鯽魚山 城東四十八里南通道土帽山形如鯽魚故名

材木溝山 城東四十五里山上有鳴鐘寺

石鞍咀山 城東四十里山多怪石有馬鞍形者故名

山嘴子 城東三十五里山有石穴

頭道溝山 城東三十五里在山嘴子西由此山向東北折曰二道溝三道溝至四道溝止

（以上中支）

大溝山 城東六十里村後山北即大台溝溝南爲老礦山脈溝北即東北雙塔嶺山脈
小米寨山 城東五十里俗呼小女寨山脈最長蔓延至城東南攔河山止

馬方山 城東三十三里俗呼馬風屯村西即太平嶺

穆察山 城東三十里穆察河發源於此在馬風屯北俗呼木柵紅嶺嶺後爲楊家南溝山
口外即上英阿

太平嶺 城東三十里盛京通志作朝陽嶺

二道嶺 城東二十五里在太平嶺西中間有村曰嶺夾空子

石門嶺 城東二十五里由二道嶺分支南行曰石門嶺山南曰小隈沙河與馬風屯河合
流由此經過隔岸與正南海留斑山脈之大歪山相對東南與滑石嶺隔河遙對

石羊山 城東二十三里

海 城 縣 志 卷一 地理 山脈

十二

鳳翔山 城東二十里即東靈後山由此北分一支曰東長嶺子嶺西爲石頭堡子迤北爲
梧樹屯

東水泉山 城東十里

攔河山 城東十里由榆樹錢村南來一峯至沙河北岸止故曰攔河山一名爛柯山其山
南面怪石嵯峨爛石漁磯爲海城八景之一（以上北支）

楊柳河流域以南諸山皆南北縱列分東南正南西南三大山脈東南山脈祖山有二（
一）小孤山其脈自大偏嶺來分二支由南而北東支經小孤山至析木城村南止西支
由哈嘩嶺西北行至板子屯河南止（二）海留斑山其脈分四支東支由八岔溝村東北
行至李瓦房村南止東北支由龐家店北行至打白虎村南止西北支由白草窪北行至
缸窰嶺西北折蜿蜒至茅兒寺山止西支由佛爺溝迤邐北行至炒鐵河子南雲鳳山止

凡山三十一列左

小孤山 城東南七十里南爲岫界之唐帽山東爲岫界之弟兄山三峯鼎峙一徑中通爲
本境南北要隘山西即黑金寨

溫家嶺 城東南六十里嶺外抵河河東岫界

山城子山 城東南五十五里山南爲板子屯

小峪 城東南五十里山北即析木城（以上東支）

哈噠嶺 城東南七十里

榆樹房山 城東南五十里由哈噠嶺起至板子屯河南止（以上西支）

海留斑山 城東南七十里俗呼海龍川其高爲東南諸山之冠

白土嶺 城東南七十里

海 城 縣 志 卷一 地理 脈山

十三

八岔溝山 城東南六十里東西兩支並行

下房身山 城東南五十里（以上東二支）

白草窪山 城東南五十里北接鷹首山

聖泉山 城東南五十二里

蓋山 城東南五十里上有小堡

鷹首山 城東南五十里俗呼鷹首溝

缸窰嶺 城東三十五里有缸窰

缸一嶺 城東南三十五里即黃瓦窰產黃白土可燒琉璃瓦清工部派員監製以備宮殿

陵寢之用

大青山 城東南三十里

金塔山 城東南三十里山上有塔塔下有廟曰金塔寺

大歪山 城東南二十五里與正東老礦山脈之石門嶺隔河相對

蟠龍山 城東南十五里山北即丁家峪

繡嶺山 城東南十一里即茅寺山林泉擅勝風景絕佳繡嶺寒泉爲海城八景之一

文安山 城東南十二里有清平南親王尙可喜墓

羸城山 城東南十五里有古城墓羸城歌舞爲海城八景之一（以上西北支）

石柱山 城南七十里由此西去一支至蘇家堡子止

鷄冠山 城南五十八里

佛溝山 城南五十五里俗呼佛爺溝

窰子峪 城南四十里由佛爺溝支出

海 城 縣 志 卷一 地理 山脈

十四

三角山 城南東偏三十五里尖山聳立作三角形西與山城山對峙

南山城山 城南三十里在下房身東南山極高峻上有古城基

蓮花山 城南三十里即廟溝山上有聖水寺

雲鳳山 城南東偏二十里炒鐵河村南（以上西支）

正南山脈祖山有二（一）青山其脈自南而北至青山懷分三支正北支至水泉山止東
北支由前後瓔珞山至石塔寺止西支由白家嶺蔓延至廉家溝與板石山脈之盤嶺相
連（一）板石山自蓋界聖水寺山來脈入境紆迴北行分二支東支由棗嶺北行經大嶺
至雙泉寺山止西支由關馬山蜿蜒北行至平頂山（即唐望山）止凡山二十六列左

青山 城南四十五里盤亘平兒房西烟台等處

青山懷 城南三十六里在火石嶺東山勢迴抱故名

瓔珞山 城南四十里在石嘴子東分前後瓔珞山

灰窖山 城南三十五里產石灰礦俗呼灰嶺

范家峪 城南三十里山上有廟曰青山寺

鏵子峪 城南二十五里產石灰石

高家峪 城南二十四里產青板石

李峪 城南二十三里

青龍山 城南二十里山嶺有石如塔山勢蜿蜒如游龍

石塔寺山 城南十六里在青龍山迤北山上有廟曰石塔寺

南水泉山 城南三十五里清泉百道中有瀑布八里河發源於此

白家嶺 城南四十里

海 城 縣 志 卷一 地理 山脈

十五

鍋底山 城南三十五里

板石山 城南六十三里山產青板石山下即丁家溝

棗兒嶺 城南五十五里出細石可鑄圖章

大嶺 城南四十里大嶺東北廉家溝東與青山山脈相連

南蟠嶺 城南三十里盛京通志作寒蒲嶺峽河發源於此

傅家溝山 城南三十里一名尖山懷山均有廟曰黑雲寺

雙泉寺山 城南二十里山上有廟曰雙泉寺後改慈雲寺

關馬山 城南六十里在板石山西

蔡家溝山 城南五十里

石棚峪 城南四十五里山有石棚如屋

毘盧寺山 城南三十里山上有廟曰毘盧寺

靈暉山 城南二十里

天馬峯 城南十七里

平頂山 城南十里相傳上有積水不涸俗名玉盆山唐太宗駐蹕於此一名車駕山又曰

唐望山今訛唐王山

西南山脈皆由耀州山起自南而北綿延四十里至鄧家台而止凡小山十五列左

耀州山 城西南六十五里盛京通志曰迷真山上有碧霞元君廟年代極古會場亦稱盛

此山原在海蓋交界處現改爲營海交界處

珠子山 城西南六十里俗呼豬龍山盛京通志曰珠子山山上有真武廟山東即道士屯

雪梨山 城西南五十七里俗呼雪山山前即老古林子

海 城 縣 志 卷一 地理 河流

十六

桃山 城西南五十五里山西爲後老古林子

老虎山 城西南五十里山西爲虎莊屯

金錢嶺 城西南四十五里

張家窪山 城西南四十里

牛頭山 城西南四十里山南即土台子

妙山 城西南三十八里即妙山台

雙頂山 城西南三十五里

樓子峪 城西南三十五里一名茨山懷

降龍山 城西南三十五里山上有廟曰毘盧佛閣

塔山 城西南三十里山東爲塔山舖俗呼他山舖

花園山 城西南三十里山前即後樓子峪

鄧家臺山 城西南二十五里

河流

縣境大川以遼河爲最楊柳河次之土河又次之遼河縱貫縣境西部長百二十餘里楊柳河斜貫縣境南部長百五十餘里土河橫貫縣境北部長百二十餘里其餘大小川澤無慮數十茲就其大者分列於左

遼河 城西六十里古勾麗河俗稱外遼河有東西二源東源一出東平縣西北平頂山一出長白山西北諸窩集中名赫爾蘇河北流出邊西源出內蒙古克什克騰部西境名西喇木倫河（即潢河）東流經赤峰縣境老哈山之水來會東南流至遼源縣東西二流相合折向西南流縱貫奉省西部經新民縣曰巨流河歷遼中縣至三荒地入本境東南行六七十里經三叉河口與北來之渾河蛤蜊河會南流至營口入海

渾河 城西北五十里一名小遼水俗稱裏遼河源出長白山納嚕窩集中西北流入英莪邊門東流繞瀋陽城南至遼陽縣西北王大人屯太資河自東南來會太資河源出吉林薩木禪山自葦子峪東入邊至此與渾河會折西南流至小河口入本境南行六七十里經楊家塘與蛤蜊河會西流至三汊河口入外遼河

蛤蜊河 城西北六十里渾河支流介在裡外遼河之間自遼陽三尖泡西入本境南行六七十里至楊家塘入裡遼河以上三大川總名曰三汊河盛京通志作二汊河

楊柳河 城南負郭一名沙河其源有二一出岫界分水嶺一出縣境雲峯嶺在析木城東二水會合西流至析木城西里許有海留斑山之水來會折向西北流經石門嶺南有東來王官廠小米寨等處山水及穆察河來會至城南小河沿又有南來三角山楊家店廟溝等處山水（即炒鐵河）來會衆流澎湃由城西南隅蜿蜒而過至牛莊城東南紅旗村分爲二支一繞城東而北流至小姐廟入裡遼河一繞城南折向西北流入響水溜汙澤

中由城西南隅又分一支西行至八家子瀦爲澤

八里河 城南八里源出南水泉山麓北流經老爺廟村西折向西北流歷八家寨子山後至坯廠村西有傅家溝南來一支山水（即小河）會合西流經柳公屯東門口夜深堡子西小河沿至藍旗口西瀦爲澤

峽河 城南二十五里源出南盤嶺（盛京通志作寒蒲嶺）北流十餘里至塔山舖與兩家寨子南來之水會經鄧家台折向西流歷上下峽河于官屯石橋子大感王寨分爲二支一支西北流入蓮花泊一支西流直趨滾子泡大澤中

耀州河 城西南六十二里源出石礪峪西流至官屯有常家溝之水來會再西經分水舖折向南流至耀州山下出境此分水舖以東之水皆向南流至分水舖以西之水則向西流經虎莊屯西樓子峪牛頭山北來之水會再西經石廟子村東有北來廠溝拉拉房之水及南來邱家坎子等村之水會合西流至薛家房散漫夏雨河水暴發往往爲患

淤泥河^附 城西南六十五里源出蓋界聖水寺山西流至迷真山西散漫河之南相傳爲唐太宗陷馬處河內係蓋平縣界今改隸營口縣界

土河 城北十五里源出大台溝及豬窩嶺西流經上下英阿大坎子土河堡村南至五道河子西有茨溝河魚溝等處之水由土河堡村北來會俗名三汊河南流經三里橋有石頭堡子之水來會西折歷大小河沿大王屯莫其屯劉家台至東小高力房入裡遼河考盛京通志縣城北十五里又有五重河俗呼五道河今按五道河即土河之分流由二道河子至三汊河行人連過五次故名非土河之外另有一河也又土河之北有柳河再北有湯兒河柳河由烟台麻崖山西流經前柳河子至交界台與後柳河子之水會西流歷耿莊子花兒泡至曾家屯入裡遼河湯兒河由白家大嶺西流經北石橋子湯兒河管飯

寺至北雙廟子村西有蘇馬台泥溝舖之水來會至丁家橋西又有楊相公屯之水來會經北荒地蛤蟆台至于家窩棚西又有甘溝子之水來會至珍珠門入裡遼河以上二河無雨則涸故不另列

鞍山河 城北六十里爲遼海分界處源出雙塔嶺西北流經果子園東至棗峪北折向西流至北房身村後有白石寨駙馬營大屯湯崗子等處山水自中所屯來會復西流經筆管堡至騰鰲堡東有老虎屯名甲山之水來會又西流經接官堡新台子至小河口入裡

遼河

蓮花泊_附城西南六十里相傳自生蓮藕故名見盛京通志今泊水已涸村名仍沿舊稱曰蓬花泡地勢窪下爲諸河下流衆水滙歸無處宣洩每逢夏雨河水漲發附近村屯盡成

澤國

城池 市鎮附

縣城 爲明海州衛故址即隋唐時高麗之沙卑城（一作卑沙城）原係土城明洪武九年指揮劉成砌以磚周圍六里五十三步有奇高三丈四尺門四東曰鎮武後改得勝南曰廣威西曰臨清北曰來遠池深一丈一尺廣三丈五尺後城毀池淤清天命八年守將戒沙兀爾坤即舊城東南隅建新城周圍二里一百七十六步東仍舊城之鎮武門西二門南北各一門順治十年始設縣治知縣王全忠復拓之改爲南二門東西北各一門乾隆三十九年知縣李佩華再開廣之門仍舊周圍八里三百四十步有奇縣城街市成丁字形由大南門直達北門爲南北通衢中由扒頭街口分界扒頭街南曰南街北曰北街由扒頭街直達西門爲東西大街因有厝石山阻隔不能直達東門成十字街南北東西二街商業均極繁盛而尤以扒頭街左右爲貿易中心點在東西大街前復有東西街一東曰三義廟街西曰城隍廟街兩街中有南北陽溝一渠沿岸列魚市肉市果床鞋店等營業厝石山北有大街一曰火神廟街梨園在焉茶社酒樓櫛比鱗次迤東爲市場乃說書賣藝之所每日下午遊人麇集火神廟街前繞厝石山西復有斜街一道通小南門曰廟溝街南半路東爲公園路西有當行數家東門裏迤南爲回民所居別無商業此城內街市之大略也至城外街市南關最盛由大南門迤西南通沙河沿爲瓜果市迤東至小南門爲菜市鐵行其南爲木行木行東有東西大街一絲商糧棧多在此商業繁盛不亞城中小南門迤東經城角奎星樓下北轉至東門皆屬平康里枇杷門巷車馬喧闐終日遊人絡繹焉西北二關多小賣商貿易不及南關之盛僅有絲業數家而已糧市在小南門裏柴草市在北門外工夫市在西關馬市三處每逢三日在小南門外六日在西門外九日在火神廟街城內外共有居民二千三百餘戶大小商舖五六百家城內井泉東街六

眼西街八眼南街九眼北街七眼城外井泉東關七眼西關十八眼南關四十一眼北關十二眼共計井泉一百一十眼

牛莊城 在縣城西四十里明置清天命八年重修周圍二里九十三步門三東曰德勝西西曰外攘北曰福勝今城垣傾圮北門已閉僅存東西二門民國三年分治委員黃祖安復將東西二門拆毀重修並增設街巷柵門城內由東門至西門街市一道城外東門外爲菜市由東關通城後有東西大街一西門外有南北大街一商業皆盛外有馬集糧集柴草市工夫市（一名窮漢市）商業均不甚多牛莊北距小姐廟河口八里又爲遼瀋赴營口要路扼水陸交通孔道河北一帶農產物皆運銷此地全城商舖共四百餘家有商會儲蓄會馬市稅捐分局爲本境第一巨鎮

騰鰲堡 在城北六十里堡外築有土圍爲南北通衢東距鐵路西距小河口均二十餘里

海 城 縣 志 卷一 地理 城池

二十二

商舖百餘家有商會分所馬市稅捐分卡爲本境第二巨鎮

析木城 在城東南四十里本漢望平地渤海置花山縣遼金改析木縣今遺址無存爲鳳岫赴海要衝有大小商舖二十餘家出產物以絲繭木材爲大宗冬日貿易尤盛有馬市稅捐分卡爲本境第三巨鎮

耀州城 在城南六十里遼置金廢今遺址猶存商舖數家

耿莊子 在城北三十里古名蓋蘇屯爲高勾麗故城今遺址無存商舖十餘家有馬市稅捐分卡

虎獐屯 在城南五十五里商舖十餘家有馬市稅捐分卡

大感王寨 在城西南三十五里爲縣城赴營口要道商舖十餘家有馬市稅捐分卡

馬風屯 在城東三十里商舖十餘家有稅捐分卡

高坨子 在城西北六十里有商舖十餘家有稅捐分卡

大高麗房 在城西北七十里商舖二十餘家有馬市稅捐分卡

八岔溝 在城東南六十里商舖十數家有稅捐分卡

衙署 會所附

知縣公署 在城內南北大街路西迤北清初順治十年知縣王全忠建大堂三間川堂三間左右書吏房各六間內宅五間廂房六間大門儀門各三間外東向柵門一座乾隆四十二年知縣覺羅文良增建三堂五間嗣後屢加修葺悉仍舊制光緒三十二年知縣管鳳齋將大門儀門拆去改建洋式大門增建東西書吏房各十二間民國八年縣知事廷瑞重修大堂仍遵舊制附設地方公欸處地方電話局民國十二年組織司法公署附在縣公署內

庫 清初知縣江浦建在縣公署大堂東側一間

倉 清初知縣王宸在城東隅建倉三間已圯康熙三十四年以後於舊城西南隅建五十六間四十二年以後於舊城西北隅建一百四十七間嗣後屢經裁毀僅存百間光緒二

十年兵燹被燬二十四年知縣米種即舊址重建九間並建官房三間大門照壁各一座
民國五年拆毀改建教養工場

監獄 原在舊城東北隅雍清初知縣王全忠建雍正七年移建縣署大門內之西偏光緒三十二年知縣管鳳齋復移至縣署西接引寺院內改設罪犯習藝所後改名分監獄

儒學公署 清順治十年初設海城縣知縣王全忠於舊城西南隅建學宮三楹雍正五年知縣張士毅遷學宮於新城內於學宮故址重修明倫堂三楹爲儒學公署民國二年訓導裁撤改設教育公所

典史公署 在城內東偏清順治十年建大堂內宅各三間廂房二間民國一年裁撤典史改設女師範學校

警察所 在縣公署東舊捕盜營地址警察中區在縣公署西

保甲公所 在城內花園衙舊縣議會地址保甲一區附設所內

稅捐徵收局 在縣公署東柵門外路西迤北租賃民房

掣驗緝私局 在城內火神廟街東首路南租賃民房

硝磺局 在城內土門子西衙衙路東租賃民房

郵務局 在城內北門裏大街路西租賃民房

電報局 在城內南北大街路西縣公署迤南租賃民房

電話局 即長途電話局在城內大南門裏西衙衙租賃民房

教育會 在厝石山西偏公園後

商會 在城大南門裡直隸會館內

醫學研究會 在城內大南門迤西山東會館內

海 城 縣 志 卷一 地理 衙署

二十五

地方儲蓄會 在城內扒頭街迤西路北價買市房

農商儲蓄會 在城內南北大街路西縣公署迤南租賃市房

山東會館 即天后宮在城內大南門迤西歷有年所

山西會館 在城西門外大街路北關帝廟內

直隸會館 在城內大南門裏三義廟內

三江公所 在城外東北隅

牛莊城守公署 即防守尉公署在牛莊城內大街路北今改第四區公所所屬八旗官廳

皆廢

牛莊旗倉 在牛莊城內雍正十一年建十二間乾隆三十年增建三十間今廢

牛莊教場 俗呼箭亭子在城外西北隅今廢

牛莊巡檢公署 原在城內後移東北關今廢

海 城 縣 志

卷一 地理 衙署

二十六